

四庫全書

集部

欽定四庫全書

宋藝圃集卷九

明 李昶 編

呂本中七首

宜章元日

東風初解凍桃李已經春
避地逢雞日傷時感鴈臣
湖南馳翔騎江外踐邊塵
憔悴成無用虛煩淚濕巾

兵亂後 二首

晚逢戎馬際處處聚兵時後死翻為累偷生未有期積
憂全少睡經劫抱長飢欲逐范仔輩同盟起義師

二

羽檄連朝暮戎旂匝邇遐未教知死所詎敢作生涯東
郭同逃戶西郊類破家萍蓬無定跡屢欲過三巴

還韓城

乍喜全家脫虛疑匹馬奔乾坤德盛大盜賊爾猶存穡
壟秋仍旱溪流晚自渾素冠兼白髮愁絕更誰論

送常子正赴召

疾病老逾劇交親窮轉疎惟公不變舊怪我未安居日
月干戈裏江山瘴癘餘因行見李白亦是問何如

雪盡

雪盡寒仍在園荒春欲歸晴空落鴈少古木聚鴉稀肺
病猶宜酒囊空合典衣碧雲愁不見千里故山薇

憶別

柳絮飛時與君別南樓把酒看明月月似當年離別時

柳絮如君何處飛
千書萬書要想就
思君不見令人瘦
念君情意不如初
顧我形骸已非舊
朝來有信度黃河
鴈足繫書多
網羅城南城北
芳草多月明
如此奈愁何

曾幾四首

雪中登王正中書閣

對雪誰同語
登樓似欲仙人家
修月戶
丈室散花天
山擁鉤簾外
江橫隱几前
寒深落鴈渚
清絕釣魚船
扶病從摩詰
消愁得仲宣
展書明細字
烹茗濕跣烟
月好還

同夢詩成已下弦明年倘相憶為一到關邊

三衢道中

梅子黃時日日晴小溪泛盡却山行綠陰不減來時路
添得黃鸝四五聲

雨夜

一雨遂通夕安眠失百憂窗扉澹欲曉枕簟冷生秋
燭爭棋道金尊數酒籌依然錦城夢忘却在南州

謝人送壑源絕品云九重所賜也

三伏汗如雨終朝沾我裳誰分金掌露來作玉溪涼別
甌軟炊飯小爐深炷香麴生何等物不與汝同鄉

蔡襄一首

上元

高列千峯寶炬森端門方喜翠華臨宸遊不為三元夜
樂事還同萬衆心天上清光留此夕人間和氣閣春陰
要知盡慶華封祝四十餘年惠愛深

蔡確四首

夏日登車蓋亭

公事無多客亦稀
朱衣小吏不須隨
溪潭直上虛亭裏
臥展柴桑處士詩

西山髣髴見松筠
日日來看色轉新
聞說桃花巖石畔
讀書曾有謫仙人

來結芳廬向翠微
自將綠酒對青暉
水趨夢澤悠悠過
雲枕西山冉冉飛

紙屏石枕竹方牀
手倦拋書午夢長
睡起莞然成獨笑

數聲漁笛在滄浪

謝逸七首

春
三首

蒲芽荇帶繞清池
錦纜牽船水拍堤
好是寒烟疎雨裏
遠峯青處子規啼

門前楊柳暗沙汀
雨濕東風未放晴
點點落花春事晚
青青芳草暮愁生

竹風烟靜午陰涼
飯罷呼童啓北窗
試拂橫牀供晝寢

且容幽夢遶清江

秋

梧桐葉落覆東牆
院落風清枕簟涼
夢覺踈鐘鳴遠寺
一池明月芰荷香

送董元達

讀書不作儒生酸
躍馬西入金城關
塞垣苦寒風氣惡
歸來面皺鬚眉斑
先皇召見延和殿
議論慷慨天開顏
謗書盈篋不復辯
脫身來看江南山
長江滾滾蛟龍怒

扁舟此去何當還大梁城裏定相見玉川破屋應數間

鐵柱觀

豫章城南老子宮堦前一柱立積鐵云是旌陽役萬鬼
夜半昇來老蛟穴挿足三江不沸騰切勿搖撼坤軸裂
蒼苔色裏鱗皴皮我欲摩娑肘屢掣旌陽挈家上天去
只留千夫應門戶西山高處風露寒茲事恍惚從誰語
安得猛士若朱亥袖往橫山擊諸部

寄隱居士

處士骨相不封侯卜居但得林塘幽家藏玉唾幾千卷
手校韋編三十秋相思四海孰青眼高臥一麾今白頭
襄陽耆舊節獨著惟有龐公不入州

單錫一首

前題

巖頭鬱鬱凌寒栢栢間時復雲封白苔蒼草碧自年年
絕奇中有叅同客道通下躡天根深山靈啼泣穹崖陰
春深不問花開落寂寂空山千萬尋

蔣之奇一首

春帖

昧旦求衣向曉鷄蓬萊伏日下將西花添漏鼓三聲遠
柳映春旗一色齊

歐陽修一百十一首

送徐生之澠池

河南地望雄西京相公好賢天下稱吹噓死灰生氣談
笑暖律回嚴凝曾陪罇俎被顧盼羅列臺閣皆名卿一作才能

徐生南國後來秀得官古縣依峭陵脚靴手板實卑賤賢
雋未可吏事繩攜文百篇赴知己西望未到氣已增我昔
初官便伊洛當時意氣尤驕矜主人樂士喜文學幕府最
盛多交朋園林相映花百種都邑四顧山千層朝行綠槐
聽流水夜飲翠幙張紅燈爾來飄流二十載髣髴蕭索垂
霜冰同時並遊在者幾舊事欲說無人應一作磨文章無用
等畫虎名譽過耳如飛蠅榮華萬事不入眼憂患百慮來
填膺羨子年少一作少年正得路有如扶桑初日昇名高場屋

已得雋世有龍門今復登出門相送親與友何異籬鷄瞻
雲鵬嗟吾筆硯久已格感激短章一作章句因子興

滄浪亭

子美寄我滄浪吟邀我共作滄浪篇滄浪有景不可到
使我東望心悠然荒灣野水氣象古高林翠阜相回環
新篁抽笋添夏景老枿亂發爭春妍水禽閒暇事高格
山鳥日夕相啾喧不知此地幾興廢仰視喬木皆蒼烟
堪嗟人迹到不遠雖有來路曾無緣窮奇極怪誰似子

搜索幽隱探神仙初尋一逕入蒙密豁目異景無窮邊
風高月白最宜夜一片瑩淨鋪瓊田清光不辨水與月
但見空碧涵漪漣清風明月本無價可惜祇賣四萬錢
又疑此景天乞與壯士憔悴天應憐鴟夷古亦有獨往
江湖波濤渺翻天崎嶇世路欲脫去反以身試蛟龍淵
豈如扁舟任飄兀紅蕖綠浪搖醉眠丈夫身在豈長棄
新詩美酒聊窮年雖然不許俗客到莫惜佳句人間傳

廬山高

廬山高哉幾千仞兮根盤幾百里巖然屹立于長江長
江西來走其下是為揚瀾左里兮洪濤巨浪日夕相舂
撞雲消風止水鏡淨泊舟登岸而遠望兮上摩青蒼以
瞻靄下歷后土之鴻龐試往造乎其間兮攀緣石磴窺
空磴千巖萬壑響松檜懸崖巨石飛流淙水聲聒聒亂
人耳六月飛雪灑石砭仙翁釋子亦往往而逢兮吾嘗
惡其學幻而言詭但見丹霞翠壁遠近映樓閣晨鐘暮
鼓杳靄羅襦幢幽花野草不知其名兮風吹霧濕香澗

谷時有白鶴飛來雙幽尋遠去不可極便欲絕世遺紛
厖美君買田築室老其下挿秧盈疇兮釀酒盈缸欲令
浮嵐暖翠千萬狀坐臥常對乎軒窗君懷磊砢有至寶
世俗不辨珉與玕策名為吏二十載青衫白首困一邦
寵榮聲利不可以苟屈兮自非青雲白石有深趣其意
砭砭何由降丈夫壯節似君少嗟我欲說安得巨筆如
長杠

石屏路

石屏自倚浮雲外石路久無人跡行我來攜酒醉其下
卧看千峯秋月明

班春亭

信馬尋春踏雪泥醉中山水弄晴輝野僧不用相迎送
乘興閒來興盡歸

田家

綠楊高下映平川賽罷田神笑語喧林外鳴鳩春雨歇
屋頭初日杏花繁

西湖

綠菱紅蓮畫舸浮使君那復憶揚州都將二十四橋月
換得西湖十頃秋

仁宗皇帝挽詞

素幙悠悠逗晚風行隨哀挽出深宮妃嬪莫向蒼梧望
雲覆昭陵洛水東

寄秦州田元均

近來邊將用儒臣坐以威名撫漢軍萬馬不嘶聽號令

諸番無事樂耕耘夢回夜帳閒羌笛詩就高樓對隴雲
莫忘鎮陽遺愛在北潭桃李正氤氲

寄梅聖俞

青山四顧亂無涯雞犬蕭條數百家楚俗歲時多雜鬼
蠻鄉言語不通華繞城江急舟難泊當縣山高日易斜
擊鼓踏歌成夜市邀龜卜雨趁燒畬叢林白晝飛妖鳥
庭砌非時見異花惟有山川為絕勝寄人堪作畫圖誇

羣玉殿賜宴

至治臻無事豐年樂有成圖書開秘府宴飲集羣英論
道皇墳奧貽謀寶訓明九重多暇豫八體極研精筆力
千鈞勁毫端萬象生飛牋金灑落拜賜玉鐙鳴盛際崇
儒學愚臣濫寵榮唯能同舞獸聞樂識和聲

下直呈同行三公

午漏聲初轉歸鞍路偶同天清黃道日街闊綠槐風萬
國舟車會中天象魏雄戢戈清四海論道屬三公自愧
陪羣彥從來但樸忠時平容竊祿歲晚歎衰翁買地淮

山北垂竿賴水東
稻梁雖可戀吾志在冥鴻

春寒效李長吉體

東風吹雲海天黑
飢龍凍雲雨不滴
嗔雷隱隱愁烟白
宿露無光瑤草寂
東皇染花滿春國
天為花迷惜春色
呼雲鎖月恐紅蕩
幾日春陰養花魄
悠悠遠絮縈空擲
愁思織春挽不得
高樓去天無幾尺
遠岫參差亂屏碧

秋懷

節物豈不好秋懷何黯然
西風酒旗市細雨菊花天
感

事悲霜鬢包羞食萬錢鹿車終自駕歸去賴東田

送鄭革先輩賜第南歸

中年鄉譽嘆才淹六十猶隨貢士函握手親朋驚白髮
還家閭里看青衫閣涵空翠連衡阜門枕寒江落楚帆
試問塵埃勤斗祿何如琴酒老雲巖

答丁元珍

春風疑不到天涯二月山城未見花殘雪壓枝猶有橘
凍雷驚笋欲抽芽夜間啼鴈生鄉思病入新年感物華

曾是洛陽花下客
野芳雖晚不須嗟

自東門泛舟至竹西亭登崑丘入蒙谷戲題春貢

亭

崑丘蒙谷接新亭
畫舸悠悠春水生
欲覓揚州使君處
但隨風際管絃聲

夏享太廟攝事齋宮聞鶯寄原甫

四月田家麥穗稠
桑枝生椹鳥啁啾
鳳城綠樹知多少
何處飛來黃栗留

寄許道人

綠髮方瞳瘦骨輕飄然乘鶴去吹笙郡齋獨坐風生竹
疑是孫登長嘯聲

遊瑯琊山

南山一尺雪雪盡山蒼然澗谷深自暖梅花應已繁使
君馱騎從車馬留山前行歌招野叟共步青林間長松
得高蔭盤石堪醉眠止樂聽山鳥攜琴寫幽泉愛之欲
忘返但苦世俗牽歸時始覺遠明月高峯巔

大熱

陽暉爍四野萬里纖雲收羲和困路遠正午當空留枝
條不動影草木皆含愁深林虎不嘯臥喘如吳牛蜩蟬
一何微嗟爾徒啾啾

寶劍

寶劍匣中藏暗室夜常明欲知天將雨錚爾劍有聲神
龍本一物氣類感則鳴常恐躍匣去有時暫開鍋煌煌
七星文照耀三尺冰此劍在人間百妖夜收形姦亮與

佞媚膽破骨亦驚
試以向星月飛光
射攬槍藏之武庫
中可息天下兵
奈何邊塞兒尚敢
邀金繒

秋懷一首寄聖俞

孤管叫秋月清砧
韻霜風天涯遠夢
歸驚斷山千重羣
物動已息百憂感
從中日月矢雙流
四時環無窮陰
夷老物摧折壯士
胃壯士亦何為素
絲悲青銅

太白戲聖俞

開元無事二十年
五兵不用太白閒
太白之精下人間

李白高歌蜀道難蜀道之難難於上青天李白落筆生
雲烟千奇萬險不可攀却視蜀道猶平川宮娃扶來白
已醉醉裏詩成醒不記忽然乘興登名山龍咆虎嘯松
風寒山頭婆娑弄明月九域塵土悲人寰吹笙飲酒紫
陽家紫陽真人駕雲車空山流水空流花飄然已去凌
青霞下看區區郊與島螢飛露濕吟秋草

風吹沙

北風吹沙千里黃馬行確犖悲摧藏當冬萬物慘顏色

冰雪射日生光芒一年百日風塵道安得朱顏長美好
攬鞍鞭馬行勿遲酒熟花開二月時

刑部看竹效孟郊體

花妍兒女姿零落一何速竹色君子德猗猗寒更綠京
師多名園車馬紛馳逐春風紅紫時見此蒼翠玉凌亂
迸青苔蕭疎拂華屋森森日影閒濯濯生意足幸此接
清賞寧辭薦芳醪黃昏人去鎖空廊枝上月明春鳥宿

哭聖俞

昔逢詩老伊水頭青衫白馬渡伊流灘聲八節響石樓
坐中辭氣凌清秋一飲百盞不言休酒酣思逸語更遒
河南丞相稱賢侯後車日載枚與鄒我年最少力方優
明珠白璧相報投詩成希深擁鼻謳師魯卷舌藏戈矛
三十年間如轉眸屈指十九歸山丘凋零所餘身百憂
晚登玉墀侍珠旒詩老齏鹽太學愁乖離會合謂無由
此會天幸非人謀頷鬚已白齒根浮子年加我貌則不
文章落筆動九州釜甑過午無饋餉良時已失不早收

篋積瓦礫遺琳瑯名聲赫赫掩諸幽翩然素旆歸一舟

送子有淚流如溝

中削原本
數句覺勝

憶焦陂

焦陂荷花照水光未到十里聞花香焦陂八月新酒熟
秋水魚肥膾如玉清河兩岸柳鳴蟬直到焦陂不下船
笑向漁翁酒家保金龜可解不須錢

送龍茶與許道人

潁陽道士青霞客來似浮雲去無蹟夜朝北斗太清壇



不道姓名人不識我有龍團古蒼壁九龍泉深一百尺
憑君汲井試烹之不是人間香味色

戲石塘山隱者

石塘仙室紫雲深潁陽真人此愜心真人已去升寥廓
歲歲巖花自開落我昔曾為洛陽客偶向巖山坐盤石
四字丹書萬仞崖神清之洞鎖樓臺雲深路絕無人到
鸞鶴今應待我來

送王汲宰藍田

喧喧動車馬共出古都門
洛日催行客東風吹酒樽
樹搖秦甸綠花入輞川繁
若遇西來旅時應問故園

南征回京至界上驛先呈城中諸友

朝雲來少室日暮向箕山
本以無心出寧隨倦客還
春歸伊水綠花曉落橋間
誰有餘樽酒相期一解顏

廣愛寺

都人布金地紺宇巋然存
山氣蒸經閣鐘聲出國門
老杉春自綠古壁雨先昏
應有幽人屐來留石蘚痕

智蟾上人遊南岳

終日念雲壑南歸心浩然青山入楚路白水望湖田野
渡惟浮鉢山家少施錢到時春尚早收茗綠巖前

送梅秀才歸宣城

從學方年少還家罄橐金久為江北客能作洛生吟罷
亞霜前稻鉤轉竹上禽歸帆何處落應拂野梅林

張主簿東齋

官舍掩寒扉聊同隱者棲溪流穿竹過山鳥入城啼賓

主高談勝心冥外物齊惟應朝枕夢長厭隔鄰雞

獨至香山憶謝學士

伊水弄春沙山臨水上斜曾為謝公客徧入梵王家陰
澗初生草春崑自落花却尋題石處歲月已堪嗟

春晚同應之偶至普明寺小飲作

偶來林下徑共酌竹間亭積雨添方沼殘花點綠萍野
陰侵席潤芳氣襲人醒禽鳥休驚顧却忘兀爾形

送張如京知安肅軍

相逢舊從事新命忽臨戎界上山河壯軍中鼓角雄朔
風馳駿馬塞雪射驚鴻試取封侯印何如筆硯功

送祝熙載之東陽主簿

吳江通海浦畫舸候潮歸疊鼓山間響高帆鳥外飛孤
城秋枕水千室夜鳴機試問還家客遼東今是非

鄭十一先輩赴四明幕

梁漢褒斜險夫君畏遠遊家臨越山下帆入海潮頭岸
柳行稍盡江蓴歸漸秋故鄉看衣錦寧羨李膺舟

送丁元珍陝州判官

為客久南方西遊更異鄉
江通蜀國遠山閉楚祠荒
油幕無軍事清猿斷客腸
惟應陪主諾不費日飛觴

送楚建中潁州法曹

冠蓋盛西京當年相府榮
曾陪鹿鳴宴徧識洛陽生
共歎長沙謫空存許劭評
堪嗟桃李樹何日見陰成

送王尚恭隰州幕

去國初游宦從軍苦寂寥
愁雲帶城起畫角向山飄
秋

勁方馳馬春寒正襲貂遙知為客恨應賴酒盃消

送廖八下第歸衡山

曾作關中客嘗窺百二疆自言秦隴水能斷楚人腸失意倦京國羈愁成鬢霜何如伴征鴈日日向衡陽

宋宣獻公挽辭

結髮逢明主馳聲著兩朝奠楹先有夢升屋豈能招贈服三公袞兼榮七葉貂春風笳鼓咽松栢助蕭蕭

初出真州泛大江作

孤舟日日去無窮行色蒼茫杳靄中山浦轉帆迷向背
夜江看斗辨西東漉田漸下雲間鴈霜日初丹水上楓
蓴菜鱸魚方有味遠來猶喜及秋風

離峽州後回寄元珍表臣

經年遷謫厭荆蠻惟有江山興未闌醉裏人歸青草渡
夢中船下武牙灘野花零落風前亂飛雨蕭條江上寒
荻筴時魚方有味恨無佳客共盃盤

再至西都

伊川不到十年間，魚鳥今應怪我還。
浪得浮名銷壯節，羞將白髮見青山。
野花向客開如笑，芳草留人意自閒。
却道謝公題壁處，向風清淚獨潸潸。

豐樂亭遊春

二首

綠樹交加山鳥啼，晴風蕩漾落花飛。
鳥歌花舞太守醉，明日酒醒春已歸。

春雲淡淡日輝輝，草惹行襟絮拂衣。
行到亭西逢太守，籃輿酪酊插花歸。

畫眉鳥

百轉千聲隨意移
山花紅紫樹高低
始知鎖向金籠聽
不及林間自在啼

夢中作

夜涼吹笛千山月
路暗迷人百種花
碁罷不知人換世
酒闌無奈客思家

上方閣

聞鐘渡寒水
共步尋雲嶂
還隨孤鳥下
却望層林上
清

梵遠猶聞日暮空山響

伊川泛舟

春谿漸生溜演漾迴舟小沙禽獨避人飛去青林杪

宿廣化寺

乘槎渡深澗披露採香薇樵歌雜梵響共向松林歸日
落寒山慘浮雲隨客衣

八節灘

亂石瀉溪流跳波濺如雪往來川上人朝暮愁灘闊更

待浮雲散孤舟弄明月

山槎

古木卧山腰危根老盤石山中苦霜霰歲久無春色不
如崑下桂開花獨留客

魚罾

春水弄春沙蕩漾流不極苓簪苦難滿終日沙頭客向
暮捲空罾棹歌菱浦北

三遊洞

漾攖泝清川捨舟緣翠嶺探奇冒層嶺因以窮人境弄
舟終日愛雲山徒見青蒼杳靄間誰知一室烟霞裏乳
竇雲腴凝石髓蒼崖一徑橫查渡翠壁千尋當戶起昔
人心賞為誰留人去山阿跡更幽青蘿綠桂何岑寂山
鳥嘒嘒不驚客松鳴澗底自生風月出林間來照席仙
境難尋復易迷山回路轉幾人知惟應洞口春花落流
出巖前百丈溪

攜手曲

落日堤上行獨歌攜手曲却憶攜手人處處春花綠

雨中歸

朝看樓上雲日暮城南雨路遠香車遲迢迢向何所

拜馬澗

昔聞王子晉把袂浮丘仙金駿於此墮吹笙不復還玉
蹄無跡久澗草但荒烟

二室道

二室對蒼莢羣峯聳嶺直雲隨高下起路轉參差碧春

金
卷九
晚桂叢深日下山烟白芝英已可茹悠然想泉石

自峻極中院步登太室中峯

繫馬青松陰躡屣蒼苔路驚鳥動林花空山答人語雲霞不可攬直入冥冥霧

玉女擣衣石

玉女擣仙衣夜下青松嶺山深風露寒月杵遙相應靈蹤杳可尋片石秋光瑩

天門泉

蓋號救命泉惡其名鄙因取美名
書為續命泉人書一字立于泉側

烟霞天門深靈泉吐巖側雲濕顚氣寒石老林腴碧長
松暫休坐一酌煩心滌

天池

高步登天池靈源湛然吐俯窺不可見淵默神龍護靜

夜天

一作松

籟寒宿客宜風雨

和楊子聰答聖俞月夜見寄

秋露靄已繁迢迢星漢回皎潔庭際月光流依井苔有
客愛涼景幽軒為君開所思不可極但慰清風來



謝人寄雙桂樹子

有客賞芳叢移根自幽谷為懷山中趣愛此崑下綠
曉露秋暉浮清陰藥欄曲更待繁花白邀君弄芳馥

庭前兩好樹

庭前兩好樹日夕欣相對風霜歲苦晚枝葉常葱翠
午眠背清陰露坐蔭高蓋東城桃李月車馬傾闌闕而
我
不出門依然伴憔悴榮華不隨時寂寞幸相慰

答錢寺丞憶伊川

之子問伊川伊川已春色綠芷雜芳浦青溪含白石山
阿昔留賞履齒無遺迹惟有崑桂花留芳待歸客

聞梅二授德興令戲書

君家小謝城為客洛陽裏綠髮方少年青衫喜為吏重
湖亂山綠歸夢寄千里洛浦見秋鴻江南老芳芷自言
北地禽能感南人耳京國本繁華馳逐多英軌爭歌白
雪曲取酒西城市朝逢油壁車暮結青驄尾歲月倏可
忘行樂方未已忽爾畏簡書翻然浩歸思江山故國近

風物饒陽美楚柚烟中黃吳萼波上紫還鄉問井邑上
堂多慶喜離別古所難更畏秋風起

戲贈

莫愁家住洛川傍十五纖腰閒四方堂上金樽邀上客
門前白馬繫垂楊春風滿城花滿樹落日花光爭粉光
城頭行人莫駐馬一曲能令君斷腸

寄左軍巡劉判官

遙聽洛城鐘獨渡伊川水綠樹鬱參差行人去無已因

高望京邑驅馬沿山趾落日亂峯多龍門何處是

與李獻臣宋子京春集東園得節字

綠野秀可食遊驂喜初結芸局苦寂寥禁署隔清切歡
言得幽尋況此及喜節鳥哢已闐闐泉流初泱泱紫萼
繁若綴翠苔柔可擷屢期無後時芳物畏鷄鵲

晚泊岳陽

卧聞岳陽城裏鐘繫舟岳陽城下樹正見空江明月來
雲水蒼茫失江路夜深江月弄清輝水上人歌月下歸

一闌聲長聽不盡輕舟短楫去如飛

代贈田文初

感君一顧重千金贈君白璧為妾心舟中繡被薰香夜
春雲江頭三尺深西陵長官頭已白憔悴窮愁

一作愧

相識手持玉斚唱陽春江上梅花落如積津亭送別君
未悲夢闌酒解始相思須知巫峽間猿處不似荆江夜
雪時

惠泉亭

翠壁刻孱顏烟霞跬步間使君能愛客朝夕弄山泉春
巖雨過春流長置酒來聽山溜響鑑中樓閣俯青池雪
裏峯巒開曉幌須知清興無時已酒美賓嘉自相對席
間誰伴謝公吟日暮多逢山簡醉淹留桂樹幾經春野
鳥巖花識使君使君今是罇前客誰與山泉作主人

行次藥縣

朝渡汝河流暮宿楚山曲城陰日下寒野氣春深綠征
車倦長道故國有喬木行行漸樂郊東風滿平陸

送徐生秀州法曹

一笑暫相從，結交方恨晚。
猶茲簿領困，況爾東南遠。
落帆淮口暮，採石江州暖。
黃鵠可寄書，惟嗟雙翅短。

送吳照鄰還江南

霜前江水磨碧銅，岸背菱葉翹青蟲。
吳郎鬢絲生幾縷，不差月上扶桑東。
差見清波照人影，去時黑髮笑春風。
五年歸來婦應喜，從此不問西飛鴻。

寄張志秘校

關山一里一重愁，念遠傷離兩未休。
南陌望窮雲似帳，西樓吟斷月如鉤。
柳綿飛後一作處春應減，蘭徑荒時客
倦游。擬寄東流問溝水，亦應溝水更東流。

寄徐異秀才

瑤花飛雪蕩離愁，鷓鴣驚風下綠疇。
睢苑樹荒誰共客，楚江楓老獨悲秋。
千重錦浪翻如箭，萬疊春山翠入樓。
章陌柳條今在否，定臨溝水拂東流。

寄劉昉秀才

絲路縈回細入雲離懷南陌草初薰茂林修竹誰同契
明月春蘿定勒文燕憶銅鞮來不定鴻歸碣石信難分
東風鶯友應相望懊惱孤飛不及羣

即目

李徑陰森接翠疇抑簾風日澹清秋晚烏藏柳棲殘照
遠燕傷風失故樓星漢經年雖可望雲波千疊不緘愁
平居革帶頻移孔誰問無憀沈隱侯

題金山寺

地接龍宮漲浪賒鷺峯岑絕倚雲斜崑披宿霧三竿日
路引迷人四照花海國盜牙爭起塔河童施鉢但驚沙
春蘿攀倚難成去山谷踈鐘落暮霞

仙意

孤桐百尺拂霏烟鳳去鸞歸夜悄然滄海風高愁燕遠
扶桑春老記蠶眠槎流千里纔成曲桂魄經旬始下弦
獨有金人寄遺恨曉盤雲泪冷涓涓

甘露寺

雲樹千尋隔翠微
給園金地敞仁祠
講花飄雨諸天近
春漏敲蓮白日遲
引鉢當空時取露
殘灰經劫自成池
危欄徙倚吟窗下
九子鈴寒塔影移

送友人南下

河橋別柳減春條
隔浦桴音聽已遙
千里羹尊誇敵酪
滿池漉稻欲鳴蜩
東風楚岸神靈雨
殘月吳波上下潮
如弔湘纍塞杜若
秋江斜日駐蘭橈

榴花

絮亂絲繁不自持
蜂黃蝶紫燕參差
榴花最恨來時晚
惆悵春期獨後期

宿雲夢館

北鴈來時歲欲昏
私書歸夢杳難分
井桐葉落池荷盡
一夜西窗雨不聞

簾

銀蒜鈎簾宛地垂
桂叢烏起上朝暉
枉將玳瑁雕為押
遮掩春堂礙燕歸

行雲

疊疊烟波隔夢思
離愁幾日減腰圍
行雲自亦傷無定
莫就行雲托信歸

琵琶亭上作

九江烟水一登臨
風月清含古恨深
濕盡青衫司馬淚
琵琶還似雍門琴

柳

雨閣堤長走畫轅
絮兼梨雪墮春烟
東風花外千絲老

猶伴吳蠶盡日眠

井桐

簷敲碧瓦拂傾梧
玉井聲高轉轆轤
腸斷西樓驚穩夢
半留殘月照啼烏

雪中寄友人

楚岸梅香半入衣
凍雲銀鑠曉光飛
遙應便面逢人處
走馬章街失路歸

送王公慥判官

久客倦京國言歸歲已冬
獨過伊水渡猶聽洛城鐘
山色經寒綠雲陰入暮重
鴈梅孤館路疲馬有誰逢

題薦嚴院

那堪多難百憂攻三十衰容一病翁
却把西都看花眼斷腸來此哭東風

寄題嵩巫亭

平地烟霞向此分
繡楣丹檻照清芬

一作汾

風簾暮捲秋

空碧剩見西山數嶺雲

霽後看雪走筆呈元珍判官

嘉景無人把酒看

一作尊

縣樓終日獨凭欄
山城歲暮驚

時節已作春風料峭寒

行次壽州寄內

紫金山下水長流
常記當年此共遊
今夜南風吹客夢

清淮明月照孤舟

春日詞

五首

宮壇清陌賽牛回
玉琯

一作管

東風逗曉來不待
嶺梅傳

遠信剪刀先放綵花開

試粉東窗待曉迴共尋春柳傍香臺不驚樹裏禽初變
共喜釵頭燕已來

紅霧初開上曉霞共驚風色變年華香車遙認春雷響
庭雪先開玉樹花

玉琯吹灰夜色殘鷄鳴紅日上仙盤初經百舌綿蠻語
已覺東風料峭寒

待曉銅荷剪臘煤繡簾春色犯寒來畫眉不待張京兆


自有新粧試落梅

走筆答原甫提刑學士

歲暮山城喜少留
西亭尚欲把行輶
一罇莫惜臨岐別
十載相逢各自頭

送薛水部通判并州

胃懷磊落逢知己
氣畧縱橫負壯心
玉塵生風賓滿坐
金鱗照甲士如林
牛羊日暖山田美
雨雪春寒土屋深
自古幽并重豪俠
祇應行樂費黃金



宋藝圃集卷九

■

■

■

欽定四庫全書

集部

宋藝圃集卷十

詳校官中書

臣陸

湘

侍讀

臣

孫球覆勘

總校官庶吉士

臣

何思鈞

校對官編修

臣

李堯棟

謄錄監生

臣

毛杞

欽定四庫全書

宋藝圃集卷十

明李袁編

黃庭堅五十首

贈東坡 二首

江梅有佳實託根桃李場桃李終不言朝露借恩光孤
芳忌皎潔冰雪空自香古來和鼎實此物升廟廊歲月
坐成晚烟雨青已黃得升桃李拌以遠初見嘗終然不

可口擲置官道旁但使本根在棄捐果何傷

二

青松在澗壑十里聞風聲上有百尺絲下有千歲苓自
惟得久要為人制顏齡小草有遠志相依在平生醫和
不并世深根直固蒂人言可醫國何因太早計大小材
則殊形味固相似

過家

絡緯聲轉急田車寒不運兒時手種柳上與雲雨近舍

傍舊慵保少換老欲盡宰木鬱蒼蒼田園變畦畛招延
屈父黨勞問走昏親歸來翻作客顧影良自哂一生萍
託水萬事雪侵鬢夜闌風隕霜乾葉落成陣燈花何故
喜大是報書信親年當喜懼兒齒欲毀齧繫船三百里
去夢無一寸

姨母李氏崇德君贈墨竹且令作歌

夜來北風元自小何事吹折青琅玕數枝洒落高堂上
敗葉蕭蕭烟景寒乃是神工妙手欲自試襲取天巧不

作難行省嘆息手歷拂落勢夭矯墨未乾往往塵晦碧
紗籠伊人或用姓名達未必全收俊偉功人有能事便
白首不免身為老畫工豈如崇德君學有古人風揮毫
李衛讓神筆彈琴蔡琰方入室道韞九歲能論詩龍女
早年先娛佛奕碁仙客腐柯還吹笙仙子下緱山更能
遇物寫形似落筆不待施青丹尤知嘗異老蒼節獨與
長松凌歲寒世俗寧知真與偽揮霍紛紛鬼神事黃塵
汚眼輕白日卷軸無人得覩視見我愛吟好畫勝他人

直謂子美當前身贈圖索歌追故事才薄豈易終斯文
所愛子猷發佳興不可一日無此君吾家書齋傍青壁
手種琅玕十數百一官偶仕樂公城道遠莫致心慘戚
我方得此興不孤造次卷置隨琴書思歸纔有故園夢
便可呼兒開此圖

慈雲寺

城東寶坊金碧重道人修思剪蒿蓬一瓶一鉢三十年
瓊椽碧瓦上秋空稻田摩衲擁黃髮專築書閣諸天中

三后在天遺聖墨百神受職扶琳宮文思帝澤餘溫潤
雨露下國常年豐貢川章川結襟帶梅嶺桂嶺來朝宗
參旗斗柄略欄楯清坐耳聞河漢風道人飽叅口掛壁
頗喜作詩如已公家風秀色刻琬琰邀我落筆何其工
安得雄文壓勝境九原喚起杜陵翁

趙含答詩約攜山妓見訪

晴波鷗鷺漾潭隈能使遊人判不回風入園林寒漠漠
日移宮殿影枚枚未嘗綠蟻何妨撥宿戒紅粧莫待催

缺月西南光景少仍須挽取燭龍來

古雲寺山

空餘叔子兩青碑無復山翁白接羅臥對江流悲往事
行穿雲嶺扣禪扉松風半入烹茶鼎山鳥常啼挂月枝
見說北歸應有日道人先作鹿門期

題落星寺

落星開士深結屋龍閣老翁來賦詩小雨藏山客坐久
長江接天帆到遲燕寢清香與世隔畫圖絕妙無人知



蜂房各自開戶牖處處煮茶藤一枝

汴岸置酒贈黃十七

吾宗端居懷百憂長歌勸之肯出遊黃流不解浣明月
碧樹為我生涼秋初平羣羊置莫問叔度千頃醉即休
誰倚柁樓吹玉笛斗杓寒掛屋山頭

寄黃幾復

我居北海君南海寄鴈傳書謝不能桃李春風一盃酒
江湖夜雨十年燈持家但有四立壁治病不禁三折肱

想得讀書頭已白
隔江猿哭瘴溪藤

漢陽親舊攜酒追送聊為短句

接浙報官府敢違王事程
宵征江夏縣
睡起漢陽城
鄰里煩追送
杯盤瀉濁清
祇應瘴鄉老
難答故人情

塞上曲

十月北風燕草黃
燕人馬肥弓力强
虎皮裁鞍鵬羽箭
射殺山陰雙白狼
青氍毹帳高雪不濕
擊鼓傳觴令行急
戎王半醉擁貂裘
昭君猶抱琵琶泣

聽宋宗儒摘阮歌

翰林尚書宋公子文采風流今尚爾自疑耆域是前身
囊中探丸起人死貌如千歲枯松枝落魄酒中無足止
得錢百萬送酒家一笑不問今餘幾手揮琵琶送飛鴻
促絃聒醉驚客起寒蟲催織月籠秋獨鴈呌羣天拍水
楚國羈臣放十年漢宮佳人嫁千里深閨洞房語恩怨
紫燕黃鸝韻桃李楚狂行歌驚市人漁父擘舟在葭葦
問君枯木著朱繩何能道人意中事君言此物傳數姓

玄璧庚庚有橫理閉門三月傳國工身令親見阮仲容
我有江南一丘壑安得與君醉其中曲肱聽君瀉松風

戲和答禽語

南村北村雨一犁新婦餉姑翁哺兒田中啼鳥自四時
催人脫袴著新衣著新替舊亦不惡去年租種無袴著
水仙花

凌波仙子生塵韞水上盈盈步微月是誰招此斷腸魂
種作寒花寄愁絕含香體素欲傾城山礬是弟梅是兄

坐對真成被花惱出門一笑大江橫

謫居黔南

三首

相望六千里天地隔江山十書九不到何用一開顏

二

霜降水返壑風落木歸山冉冉歲華晚昆蟲皆閉關

三

山郭燈火稀峻天星漢少年光東流水生計南枝鳥

酴醾

漢宮嬌額半塗黃入骨濃薰賈女香
日色漸遲風力細
倚欄偷舞白霓裳

君山

蒲川風月獨凭欄
綰結湘娥十二鬟
可惜不當湘水滿
銀山堆裏看青山

送姪孫隨乃父知命北行

莫去沙邊學釣魚
莫將百丈作轆轤
清江濯足江下坐
燕子日長宜讀書

書王氏夢錫扇

壓枝梅子大于錢
慚愧春光又一年
亭午無人初破睡
杜鵑啼在柳梢邊

大暑水閣聽晉卿家昭華吹笛

蘄竹能吹水底龍
玉人應在月明中
何時為洗秋空熱
散作霜天落葉風

鄂州南村即事

四顧山光接水光
凭欄十里芰荷香
清風明月無人管

併作南村一夜涼

次王介甫韻

晚風池蓮香度曉日宮槐影西白下長干夢到青門紫
曲塵迷

次韻子瞻咏好頭赤圖

李侯畫骨不畫肉筆下馬生如破竹秦駒雖入天仗圖
猶恐真龍在空谷精神權奇汗溝亦有頭赤烏能逐日
安得身為漢都護三十六城看歷歷

考試局與孫元忠博士竹間對窻夜間元忠誦書
聲調悲壯戲作竹枝歌

屋山啼鳥兒當歸玉釵買珠郎馬嘶去時燈火正月半
階前雪消萱草齊

竹枝詞二首

撐崖拄谷蝮蛇愁入箐攀天猿掉頭鬼門關外莫言遠
五十三驛是皇州

浮雲一百八盤榮落日四十九渡明鬼門關外莫言遠

四海一家皆弟兄

離福巖

山下三日晴山上三日雨不見祝融峰還泝瀟湘去

再作

一作初

次韻

隆儒殿閣對橫經咫尺清都雨露零見說文星環北極
人間無路俯天庭

題惠崇畫扇

惠崇筆下開江面萬里晴波向落暉梅影橫斜人不見

鴛鴦相對浴紅衣

甯子興追和予岳陽樓詩復次韻

軒皇樂罷拱清班
天地為家不閉關
惟有金鑪紫烟起
至今留作御前山

次韻晁補之廖正一贈答詩

晁子抱材耕谷口
世有高賢踐台斗
頃隨計吏西入關
關夫數日停車還
封侯半屬妄校尉
射虎猛將猶行間
無因自致青雲上
浪說諸公見嗟賞
驥伏鹽車不稱情

輕裘肥馬鳳凰城歸來作詩謝同列句與桃李爭春榮
十年山林廖居士今隨詔書稱舉子文章宏麗學西京
新有詩聲似侯喜君不見古來良士知音難絕絃不為
時人彈已喜瓊枝在我側更恨桂樹無由攀千里風期
初不隔獨憐形迹滯河山

聖東將寓于衛行乞食放齊有可憐之色再次韻
感春一首贈之

種萱欲遣憂叢薄空自綠洗心日三省人亦不我穀誰

能書窗下草玄抱幽獨白首官不遷校書漢天祿身當
萬戶侯鼓吹擁部曲解佩著犀渠張弓挿彫服何時李
將軍射獵出上谷

和陳君議讀楊太真外傳

梁州一曲當時事

一作開元夢

記得曾拈玉笛吹端正樓空

春晝永小桃猶學淡燕支

次韻子瞻元夕扈從端門三首

淮海集中亦有此三首作秦少游詩

也

赭黃繖底望龍章不斷誰聞寶炬香一片韶音歸複道
重瞳左右列英皇

端門魏闕鬱崢嶸燈火如山輦路平不待上林鶯百轉
教坊先已進春聲

仗下蕃夷各一羣機錢如雨自繽紛諦觀香案傍邊吏
却是茅山大小君

王立之以小詩送並蒂牡丹戲答

分送香紅惜折殘春陰醉起薄羅寒不如王謝堂前燕

曾見新粧並倚欄

題王居士所藏王友畫桃花杏花一首

凌雲一笑見桃花
三十年来始到家
從此春風春雨後
亂隨流水到天涯

太平州作

千古人心指下傳
楊姝烟月過年年
不知心向誰邊切
彈盡松風欲斷絃

送李德素歸舒城

僧夏莫問塗麥秋宜煮餅北寺旬休歸長廊六月冷簟翻
寒江浪茶破蒼壁影李侯為我來遽以歸期請青衿廢詩
書白髮違定省荒畦當鉏灌蠹簡要籤整挽衣不可留決
去事幽屏天恢獵德網日饒養賢鼎此士落江湖熟思令
人癭胷中吉祥宅膜外榮辱境婆娑萬物表藏刃避官縈
人生要當學安燕不徹警古來惟深地相待汲脩綆

古樂府白紵四時歌

桃李欲開風雨多籠絃束管奈春何風休雨靜花滿地

金史卷之二十一
卷十
時節去我如驚波少年志願不成就日月星辰後昏晝
俟河之清未有期斗酒聊為社公壽

李君貺借示其祖西臺學士草聖并書帖一扁二
軸以詩酬之

當時高蹈翰墨場江南李氏洛下楊二人歿後數來者
西台唯有尚書郎篆科草聖凡幾家奄有漢魏跨兩唐
紙摹石鏤見髣髴曾未得似君家藏側釐數幅永不及
字體敲傾墨猶濕明窓棐几開卷看坐客失牀皆起立

新春一聲雷未聞何得龍蛇已驚蟄仲將伯英無後塵
邇來此公下筆親使之早出見李衛不獨右軍能逼人
枯林棲鴉滿僧院秀句爭得兩京通文工墨妙九原荒
伊洛氣象今淒涼夜光入手愛不得還君復入古錦囊
此後臨池無筆法時時夢到君書堂

春近絕句

梅英欲盡香無賴草色才蘇綠未勻苦竹空將歲寒節
又隨官柳到青春

觀化

菰蒲短短未出水渺渺春湖如凍雲
安得酒船二萬斛
棹歌長入白鷗羣

再和元禮春懷

二首

回腸無奈別愁煎
待得鸞膠續斷絃
最憶錢塘風物苦
西湖月落採菱船

吳中風物最嬌嬈
百里春風酒旆搖
往往貴人留騎從
少年叢裏貫金貂

過西山

新春木葉未蒙龍西望天涯幾日通
商洛山間白雲起
行歌思見採芝翁

大風

霜重天高日色微顛狂紅葉上階飛
北風不惜江南客
更入破窻吹客衣

伯時彭蠡春牧圖

岳陽樓上春已歸湖中鴻鴈拍波飛
布帆天濶隨鳥道

石林風晚吹人衣春水初生及馬腹浮灘欲上西山麓
遙看絕嶺秀雲松上有垂蘿暗谿谷沙眠草啣性不驕
側身注目鳴相招林間瞥過星燦燦原上獨立風蕭蕭
君不見中原真種紅塵沒南行市骨何倉卒祇收力健
載征夫肯向時危辨奇骨即今貢馬西北來東西坊監
屯雲開紛然駕驥同一秣爾可不憂四蹄脫

觀劉永年團練畫角鷹

劉侯才勇世無敵愛畫工夫亦成癖弄筆掃成蒼角鷹

殺氣稜稜動秋色
爪拳金鈎背屈鐵
萬里風雲藏勁翮
兀立槎枒不畏人
眼看青冥有餘力
霜飛晴空塞草白
雲垂四野陰山黑
此時軒然盍飛去
何乃噴屹立西壁
祇應真骨下人世
不謂雄姿留粉墨
造次更無高鳥喧
等閒亦恐狐狸嚇
旁觀未必窮神妙
乃是天機貫骨髓
瞻相突兀摩空材
想見其人英武格
傳聞揮毫頗容易
持以與人無甚惜
物逢其賞世所珍
此畫他年恐難得
陳師道七十二首

次韻夏日江村

漏屋簷生菌臨江樹作門捲簾通燕子織竹護鷄孫向
夕微涼進相逢故意存何當加我歲從此問乾坤

智寶院後樓懷胡元茂

晚渡呼舟疾寒城著霧深昏鷗明鳥道風葉亂霜林久
客登樓目中年懷舊心猶須一長笛領覽自霑襟

寄張文潛舍人

今代張平子雄深次子長名高三俊上官立右螭傍車

笠吾何恨飛騰子莫量時平身早達未用夢凝香

次韻無斁雪後

閉閣春雲薄開門夜雪深江梅猶故意湖鴈起歸心草
潤留餘澤窗明度積陰慙勤報春信屋角有來禽

宿深明閣

窈窕深明閣晴寒是去年老將災疾至人與歲時遷默
坐元如在孤燈共不眠暮年身萬里賴有故人憐

次韻觀月

風雲隨落日河漢欲回天
隔巷如千里還家已再圓
簾疎分細細江淨共涓涓
他日吾何適聽詩說去年

觸目

溪響飢魚食川明桂影斜
驚禽穿密竹噪鵲立浮楂
谷暗山藏雨林喧雀啁蛇
鄉閭等行路何處更為家

登快哉亭

城與清江曲泉流亂石間
夕陽初隱地暮靄已依山
度鳥欲何向奔雲亦自閒
登臨興不盡稚子故須還

黃預挽詞

志大期千里身宜置一丘
英詞真蓋世爽氣已橫秋
地要黃金骨天成白玉樓
平生斷泥手斤斧恐長休

秋懷
二首

小雨斷復續回斜落晚風寒
心生蟋蟀秋色傍梧桐
草與遙山碧花欺晚照紅
口須談世事目已失飛鴻

二

山斷開平野河回殺急流
登臨須向夕風雨更宜秋
急

急後飛鴈翩翩不下鷗
晚舟猶小待暮雀已深投

覽勝亭

斷岸通橫水吹花滿繫船
中年擅幽獨輟食買林泉
草木真宜主江山故作妍
升沉有流轉且復賦歸田

晚游九曲院

冷落叢祠晚回斜峽路
賒平荷留夜雨驚鳥過鄰家
雲暗重重樹風開旋旋花
病身無俗事待得後歸鴉

寒夜

留滯常思動艱虞却悔來寒燈挑不熅殘火撥成灰凍
水滴還歇風簾捲復開熟知文有忌情至自生哀

宿濟河

燭暗人初寂寒生夜向深潛魚聚沙窟墜鳥滑霜林稍
作他方計初回萬里心還家只有夢更著曉寒侵

南豐先生挽詞 二首

早棄人間事真從地下遊丘原無起日江漢有東流身
世從違裏功名取次休不應須禮樂始作後程仇

二

精爽回長夜衣冠出廣庭
勛庸留琬琰形像付丹青
道喪餘篇翰人亡更典刑
侯芭才一足白首太玄經

雪後黃樓寄負山居士

林廬烟不起城郭歲將窮
雲日明松雪溪上進晚風
人行圖畫裏鳥度醉吟中
不盡山陰興天留憶戴公

送張支使

曠度遙知晚高才處下難
清秋一鶚上拭目萬人看
白

酒初同醉黃花已戒寒憑將衰老事一一報長安

送楊侍禁兼寄顏黃二公

多問黃居士終年欠一書因人候消息有使報何如向
晚逢楊子真堪託後車親年方賴祿不惜借吹噓

送外舅郭大夫夔路提刑

天險連三峽官曹據上游百年雙鬢白萬里一身浮可
使無人訟寧須意外憂平生晏平仲能費幾狐裘

從蘇公登後樓

脩作三年別才堪一解
顏樓孤帶清洛林缺見巴山
五月池無水千年鶴自還
白鷗沒浩蕩愛惜髣毛斑

別叔父錄曹

為吏專刑法成家託弟昆
三年如昨日一笑更何言
扶老須微祿微官實至恩
兩踈元父子何日復東轅

明士彥挽詞

晚進違前輩平生闕異聞
吾猶識此老天豈喪斯文善
學家傳業英詞世不羣
固應譏尚白官序見楊雲

晁无咎張文潛見過

白社雙林去高軒二妙來排門衝鳥雀揮壁帶塵埃不
憚除堂費深愁帶酒回功名付公等歸路在蓬萊

懷遠

海外三年謫天南萬里行生前只為累身後更須名未
得平安報空懷故舊情斯人有如此無復涕縱橫

還里

自曹
歸徐

曠士愛吾廬游子悲故鄉慷慨四方志衰老但悲傷虛

名自成誤失得畧相當暮年還家樂未覺道里長閭里
喜我來車馬塞康莊爭前借言色草木亦晶光向來千
人聚一老獨徜徉手開南陽阡松柏鬱蒼蒼永願守一
丘脫身萬里航平生功名念倒海沆我腸款段引下澤
斷絃更空觴尚恐北山南有文移路傍

妾薄命 二首

主家十二樓一身當三千古來妾命薄事主不盡年起
舞為主壽相送南陽阡忍着主衣裳為人作春妍有聲

當徹天有淚當徹泉死者恐無知妾身長自憐

二

葉落風不起山空花自紅捐世不待老患妾無其終一
死尚可忍百歲何當窮天地豈不寬妾身自不容死者
如有知殺身以相從向來歌舞地夜雨鳴寒蛩

晚晴野望

洞庭微雨後涼氣入綸巾水底歸雲亂蘆花返照新遙
汀橫薄暮獨鳥度長津兵甲無歸日江湖送老身悠悠

只倚仗悄悄自傷神天意蒼茫裏村醪亦醉人

和黃充實榴花

春去花隨盡紅榴暖欲然後時何所恨處獨不祈憐葉
葉自相偶重重久更鮮流珠沾暑雨改色淡朝烟着子
專寒酒移根擅化權愧非無價手刻畫竟難傳

示三子

去遠即相忘歸近不可忍兒女已在眼眉目畧不省喜
極不得語淚盡方一哂了知不是夢忽忽心未穩

送蘇公知杭州

平生羊荊州追送不作遠
豈不畏簡書放麀誠不忍一
代不數人百年能幾見
昔如馬口銜今為禁門鉉
一雨五月涼中宵大江滿
風帆目力短江空歲年晚

蠅虎

微物趣下世不數隨意捕
生得稱虎匿形注目搖兩
股卒然一擊勢莫禦十中
失一八九取吻間流血腹
如鼓却行奮臂吾甚武
明日淮南作端午

次韻螢火

年侵觀物化共被歲時催
熠熠孤光動翩翩渡水來
雖能穿幔入已復受風回
投卷吾衰矣微吟子壯哉

十五夜月

向老逢清節歸懷托素輝
飛螢元失照重露已沾衣
稍孤光動沉沉衆籟微
不應明白髮似欲勸人歸

山口

重霧真成雨踈簾不隔風
青林擁紅樹家鷺雜賓鴻
漁

屋渾環水晴湖半落東往來成一老猶在半途中

除夜對酒贈少章

歲晚身何托燈前客未空半生憂患裏一夢有無中
短愁催白顏衰酒借紅我歌君起舞潦倒畧相同

和王子安至日

晨起公私迫昏歸鳥雀催百年忙裏盡萬事醉間來
竹雨深宜晚江梅半欲開風燈挑不焰寒火撥成灰

寄外舅郭大夫

巴蜀通歸使妻孥且舊居深知報消息不忍問何如身
健何妨遠情親未忍踈功名欺老病淚盡數行書

九日寄秦觀

疾風迴雨水明霞沙步叢祠欲暮鴉九日清樽欺白髮
十年為客負黃花登高懷遠心如在向老逢辰意有加
淮海少年天下士獨能無地落烏紗

寄秦州曾侍郎子固

八年門第故違離千里河山費夢思淮海風濤真有道

麒麟圖畫豈無時
今朝有客傳何尹
是處逢人說項斯
三徑未成心已具
世間惟有白鷗知

寄侍讀蘇尚書

六月西湖早得秋
二年歸思與遲留
一時賓客餘枚叟
在處兒童說細侯
經國向來須老手
有懷何必到壺頭
逢知丹地開黃卷
解記清波沒白鷗

即事

老覺山林可避人
正須麋鹿與同羣
却嫌鳥語猶多事

強管陰晴報客聞

齋居

青奴白牯淨相宜
老罷形骸不自持
一枕西窗深閉閣
臥聽叢竹雨來時

次韻邢君實

秋來為客意何如
千里河山信不踈
昔日老人今則少
不妨紅葉閉門書

題柱

桃李摧殘風雨春
天孫河鼓隔天津
主恩不與妍華盡
多少人間失意人

次介甫韻

啜羹不如放麕樂
羊終愧巴西欲問
老翁歸處帝鄉無
路雲迷

和冠十一同遊城南阻雨還登山寺

雨阻遊南步泥留
出北情稍看飛霧
斷復作遠山橫野
闊膏新澤樓明納
晚晴歸宜有佳思
紗帽壓香英

次韻夜雨

暗雨來何急，寒房客自醒。
驟看燈閃閃，擬對竹清清。
聲到江干失，風回葉上聽。
更長那得曉，欹側想儀形。

寄張宣州

奉

與世情將盡，懷仁老未忘。
故人今五馬，高處謾三長。
詩宣江山助，名成沈鮑行。
肯為文俗事，打鴨起鴛鴦。

別觀音山主

二首

離合應生理，偶逢豈近緣。
情親見今日，語妙記當年。
閑

戶安禪主衝風逆水船不應清夜月故作別時圓

二

此老三年別何時萬里迴更無南去鴈猶見北枝梅會
有哀籠鳥寧須溺死灰聖朝無棄物與子賦歸哉

寄鄧州杜侍郎

絃

南陽老幼如雲屯連日城東候使君後者排前旁提出
爭先見面作慇勤六年重來已白髮一日再見回青春
道傍過者怪相問共言杜母真吾親使君雖老心尚壯

文采風流諸謝上名家從昔杜陵人盛德于今丈人行
我昔臥病老彭城畫船鳴鼓千里行致書饋奠初未識
丁寧勞苦如平生人言此事今未有古人中求還得否
忘年屈勢不虛傳公取為德吾何取菊潭之水甘且潔
潭上秋花照山白請公酌此壽百年奕奕長為此邦伯
孰先一州後四方重金疊蓋登廟堂請從今日至雲來
月三十斛輸洛陽

何太冲挽詞

一作大中

課最三川守名成萬石君平生欠一識聲烈即多聞
甕率真歸處琴臺只斷雲傷心今夜月忍便到初墳

送鄭祠部

持節還家未白頭有親八十更何求又隨急詔朝天去
不為寒鄉盡歲留四着儒冠甘送老數經奇運得銷憂
擬登碣石臨朝日浩蕩滄溟沒白鷗

別鄉舊

數有中年別寬為滿歲期得無魚口厄聊為鴈門踦齒

脫心猶壯秋清意自悲平生郡文學鄧禹得三為

寒夜

閉戶風將雨通宵浪打頭若為中夜聽復作別時愁宿
鴈鳴漁火村春急暗投不應田二頃能使寸心休

寓目

曲曲河回復青青草接連去帆風力滿來鴈一聲先野
曠低歸鳥江平進晚牽望鄉從此始留眼未須穿

野望

霜葉紅於染吹花落更馨平江行詰曲小徑夾葱青度
鳥開愁眼遙山入畫屏畏人惟可飲從俗却須醒

寄兗州張龍圖文潛

去國遭前政還家未白頭百年當晚遇一辱獨先收齒
脫空餘舌顏衰早着秋三為郡文學大勝鄧元侯

家山晚立

遶舍苔衣積倚墻梨頰紅地平宜落日野曠自多風禹
迹千年後家山一顧中未休嗤土偶已復逐飄蓬

宿合清口

風葉初宜雨晴窗誤作明穿林出去鳥舉棹有來聲深
渚魚猶得寒沙鴈自驚臥家還就道自計豈蒼生

晚坐

柳弱留春色梅寒讓雪花溪明數積石月過戀平沙病
減還增藥年侵却累家後歸棲未定不但只昏鴉

除官

扶老趨嚴召徐行及聖時端能幾字正敢恨十年遲肯

着金根謬寧辭乳媪譏向來憂畏斷不盡鹿門期

和饒節詠周昉畫李白真

君不見浣花老翁醉騎驢熊兒捉轡驥子扶金華仙伯
哦七字好事不復千金模青蓮居士亦其亞斗酒百篇
天所借英姿秀骨尚可似逸氣高懷那得畫周郎韻勝
筆有神解衣槃礴未必真一朝寫此英妙質似悔只識
如花人醉色欲盡玉色起分明尚帶金井水烏紗白紵
真天人不用更着山巖裏平生潦倒飽丘園禁省不識

卷十
將軍尊袖手猶懷脫靴氣豈是從來骨相屯仰視雲空
鴻鵠舉眼前紛紛那得顧是非榮辱不到處正恐朝來
有新句勿言身後不要名尚得吳侯費百金江西勝士
與長吟後來不憂身陸沉

和舅氏公退言懷

追陪強韻愧難過應接前聞覺未多盛禮每虛摩詰席
舊詞猶可雪兒歌手開新徑延徐步眼趣高梧上碧蘿
風雨入懷泥滿眼時須好語滌煩痾

題明發高軒過圖

滕王蛺蝶江都馬一紙千金不當價異才天縱非力能
畫工不是甘為下今代風流數大年含毫落筆開山川
忽忘朽老壓塵底却怪鳬鴻墮目前爾來八二復秀出
萬里河山才咫尺眼前安得有突兀復似天地初開闢
明窻寫出高軒過便逐愈湜間吟哦晚知書畫真有益
却悔歲月來無多宮禁修嚴斷過訪時於僻寺逢稅鞅
秀潤如行琮璧間清明似引星辰上憂悲愉佚百不平

河擘太華東南傾平生秀句衆區滿掇拾餘棄成丹青
平湖遠嶺開精神斗覺文字生清新未許二豪今角立
要知旁有衛夫人

送晁堯民守徐

中年為別不堪憂束髮登門到白頭南省望郎仍國士
東方千騎更吾州彭翁老壽終遺骨燕子飛來只故樓
知己難逢身易老頌公置醴我歸休

登彭祖樓

城上危樓江上城風流千載擅佳名
水蕪汴泗浮天闊山入青齊煥眼明
喬木下泉遺故國黃鸝白鳥解人情
須知壯士多秋思不露文章世已驚

送澤之過維揚

夢裏揚州十載前青樓陳迹故依然
袍爭爛錦催詩筆雨濺明珠落酒船
顧我老無騎鶴興羨君行及看花天
囊中綉句歸應滿不負韋郎五色牋

送兄子孝忠落解南歸

妙年失手未須恨白璧深藏可自妍短髮我今能種種
晚粧他日看娟娟千金市帚能論價萬戶封侯信有年
清白傳家有如此歸塗囊盡不留錢

宗藝圃集卷之十